



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Epistola Concilii Milevitani Ad Innocentivm Papam. De cohibendis
Pelagianis.

urn:nbn:de:hbz:466:1-14918

374 INNOCENTIVS P. I. CONCILIVM HONORIVS THEODOSIVS IMP.

XXVII.

Item placuit, ne diutius vniuersi episcopi, qui ad Concilium congregati sunt, tenerentur, ab vniuerso Concilio ternos iudices de singulis prouinciis eligi. Et electi sunt de prouincia Carthaginensi Vincentius, Fortunatianus, & Clarus: de prouincia Numidiæ, Alypius, Augustinus, & Restitutus: de prouincia Byzacena, cum sancto sene Donatiano primate, Cresconius, Iocundus, & Æmilianus: de Mauritania Sitiphensi, Seuerianus, Asiaticus, & Donatus: de prouincia Tripolitana, Plautius, qui ex more legatus vnu est missus, qui omnes cum sancto sene Aurelio vniuersa cognoscant.

Conc. Afr.
cap. 94.

A quo petiit vniuersum Concilium, ut cunctis siue gestis, quæ confecta iam sunt, siue epistolis ipse subscribat. Et subscriperunt. Aurelius episcopus ecclesie Carthaginensis, huic decreto consensi, & perleeto subscripsi. Donatianus Teleptensis primæ sedis subscripsi. Augustinus Hipponæ Regiensis subscripsi. Similiter & omnes episcopi subscriperunt.

EPISTOLA
CONCILII MILEVITANI
AD INNOCENTIVM PAPAM.

De cohibendis Pelagianis.

Domino beatissimo, meritoque venerabili & in Christo honorando papæ Innocentio, Siluanus senex, Valentinus, Aurelius, Donatus, Restitutus, Lucianus, Alypius, Augustinus, Placentius, Severus, Fortunatus, Posidius, Novatus, Secundus, Maurinius, Leo, Faustinianus, Cresconius, Innocentius, Felix, Antonius, Gigantius, Cresconius, Adeodatus, Processus, Secundus, Fe-

*l ix, Asiaticus, Rufinus, Faustinus, Victor, Antoninus, Mal-
chus, Victorius, Fortunatus, Donatus, Pontianus, Saturninus,
Cresconius, Posidonius, Lucius, Honorius, Seruius, Terentius,
Cresconius, Sperantius, Quadratus, Lucillus, Sabinus, item Sa-
binus, Cresconius, Victor, Honoratus, Donatus, Petrus, Præsi-
dius, Cresconius, Lampadius, Delphinus, ex Concilio Mileni-
tano, in Domino salutem.*

QVIA te Dominus gratia suo præcipuo munere in se-
de apostolica collocauit, talemque nostris tempo-
ribus præsttit, ut nobis potius ad culpam negligentiae va-
leat, si apud tuam venerationem, quæ pro ecclesia sunt
suggerenda, tacuerimus, quam ea tu possis vel fastidiose,
vel negligenter accipere, magnis periculis infirmorum
membrorum Christi pastoralem diligentiam, quæsumus,
adhibere digneris. Noua quippe hæresis, & nimium per-
niciosa tentat assurgere inimicorum gratia Christi, qui
nobis dominicam etiam orationem impiis disputationi-
bus conantur auferre. Cum enim Dominus docuerit, ut
dicamus: *Dimitte nobis debita nostra, sicut & nos dimittimus debitoribus nostris:* isti dicunt, posse hominem in hac vita,
Matth. 6.
Lvc. 11.
præceptis Dei cognitis, ad tantam perfectionem iustitiae,
sine adiutorio gratia Saluatoris, per solum liberæ volun-
tatis arbitrium peruenire, ut ei non sit iam necessarium di-
cere: *Dimitte nobis debita nostra.* Illud vero quod sequitur:
Ne nos inferas in temptationem, non ita intelligendum, tam-
Ibidem.
quam diuinum adiutorium poscere debeamus, ne in
peccatum tentati decidamus: sed hoc in nostra positum
esse potestate, & ad hoc implendum solam sufficere ho-
minis voluntatem, tamquam frustra Apostolus dixerit:
Non volentis, neque currentis, sed miserentis est Dei. Et: *Fidelis*
Rom. 9.
1. Cor. 10.
*Deus, qui vos non permittit tentari super id quod potestis, sed fa-
ciet cum temptatione etiam exitum, ut possitis sustinere.* Frustra
etiam Dominus dixerit apostolo Petro: *Rogavi pro te, ne*
Luc. 22.
*deficiat fides tua: & omnibus suis: Vigilate, & orate, ne intre-
tis in temptationem:* si hoc totum est potestatis humanæ. Pue-
ros quoque parvulos (si nullis imbuantur Christianæ gra-
tia sacramentis) habituros vitam æternam, nequaquam
Christianæ præsumptione contendunt, euacuantes quod
dicit Apostolus: *Per unum hominem peccatum intravit in mun-*
Rom. 5.

Ass 2
Ch. 21
416.

1. Cor. 15. dum, & per peccatum mors, & ita in omnes homines pertransiit,
in quo omnes peccauerunt. Et alio loco: *Sicut in Adam omnes*
moriuntur, sic & in Christo omnes vivificabuntur. Ut ergo alia
omittamus, quae contra scripturas sanctas plurima diffe-
runt, haec interim duo (quibus omnino totum, quod Chri-
stiani sumus, conantur euertere) quae fidelia corda susti-
neant, non esse rogandum Deum, ut contra peccati ma-
lum, atque ad operandam iustitiam sit noster adiutor: &
non opitulari parvulis, ad consequendam vitam æter-
nam, Christianæ gratiæ sacramentum. Haec insinuantes
apostolico pectori tuo, non habemus opus multa dicere,
& tantam impietatem verbis exaggerare, cum procul
dubio te ista permoueant, ut ab eis corrigendis, ne latius
serpent, multosque contaminent, vel potius interimant,
(dum sub nomine Christi, a gratia Christi penitus alien-
ant) omnino dissimulare non possis. Huius autem perni-
ciosissimi erroris autores esse perhibentur Pelagius &
Cælestius, quos quidem in ecclesia sanari maluimus, quam
desperata salute, ab ecclesia resecari, si necessitas nulla
compellat. Quorum unus, id est, Cælestius, etiam ad pre-
sbyterium in Asia peruenisse dicitur. De quo, ante paucos
annos quid gestum fuerit, sanctitas tua de Carthaginensi
ecclesia melius instruitur. Pelagius vero (sicut a quibus-
dam fratribus nostris missæ loquuntur epistolæ) Hiero-
solymis constitutus, nonnullos fallere asseritur. Verum-
tamen multo plures, qui eius sensus diligentius indagare
potuerunt, aduersus eum pro Christi gratia, & catholicæ
fidei veritate configunt, sed præcipue sanctus filius tuus,
frater & compresbyter noster Hieronymus. Sed arbitra-
mur (adiuante misericordia Domini Dei nostri Iesu
Christi, qui te & regere consulentem, & orantem exau-
dire dignatur) auctoritati sanctitatis tuae de claro scriptu-
rarum lumine depromptæ, facilius eos (qui tam peruer-
sa & perniciosa sentiunt) esse cessuros, ut de correptione
potius eorum gratulemur, quam contristemur interitu,
domine beatissime. Quodlibet autem ipsi eligant, certe
vel aliis, quos plurimos possunt, si ab eis dissimuletur, suis
laqueis implicare, cernit venerabilitas tua, instanter &
celeriter prouidendum. Haec ad sanctitatem tuam de
Concilio Numidiæ scripta direximus, imitantes Cartha-
ginnen-

D. Hiero-
nymi enco-
mium.

ANNO CHRISTI 416. ginensem ecclesiam, & Carthaginensis prouinciae coepiscopos nostros, quos ad sedem apostolicam, quam beatus illustras, de hac causa scripsisse comperimus. Et alia manu: Memor nostri in Domini gratia augearis, Domine beatissime, meritoque venerabilis, & in Christo honorande, sanctissime papa.

PISTOLA FAMILIARIS
QVINQUE EPISCOPORVM
AD SVPRADICTVM PAPAM.

Domino beatissimo, meritoque honorandissimo fratri Innocentio papae, Aurelius, Alypius, Augustinus, Euodius & Poſtidius, in Domino salutem.

DE Conciliis duobus prouinciae Carthaginensis atque Numidiæ ad tuam sanctitatem a non paruo episcoporum numero subscriptas literas misimus, contra inimicos gratiæ Christi, qui confidunt in virtute sua, & creatori Psal. 48. nostro quodammodo dicunt: Tu nos creasti homines, iustos autem ipsi nos fecimus. Qui naturam humanam ideo dicunt liberam, ne querant liberatorem: ideo salvum, ut indicent superfluum salvatorem. Tantum enim dicunt valentem, ut suis viribus, semel in origine suæ creationis acceptis, possint per liberum arbitrium, nihil ulterius adiuuante illius gratia qui creauit, domare & extinguere omnes cupiditates, tentationesque superrare. Multi eorum insurgunt aduersum nos, & dicunt animæ Psal. 3. nostræ: non est salus illi in Deo eius. Familia Christi (quaæ dicit: *Quando infirmor, tunc fortis sum*: & cui dicit Dominus eius: *Salus tua ego sum*) suspenso corde, cum timore & 2. Cor. 12. tremore adiutorium Dei, etiam per caritatem tuæ venerationis, expectat. Audiuius enim esse in vrbe Roma, vbi ille diu vixit, nonnullos qui diuersis causis eius faueant. Quidam scilicet, quia vos talia persuasisse prohibent: plures vero, qui eum talia sentire non credunt: præsertim quia in oriente, vbi degit, gesta ecclesiastica facta esse iactantur, quibus putatur esse purgatus: vbi quidem si episcopi eum catholicum pronuntiarunt, non ob aliud factum esse credendum est, nisi quia dixit se Dei gratiam confiteri, & ita posse hominem suo labore ac vo-

Concil. Tom. 4.

Bbb